

ABI INVEST Sha

RAPORT VJETOR

VITI I MBYLLUR 2023

ABI Invest Sha

ABI EIA

ABI FLEX EURO

ABI FLEX USD

Pasqyra e Lëndës

1. Rreth ABI Invest Sha	3
2. Vizioni.....	3
3. Misioni	3
4. Objektivat.....	4
5. Qeverisja Korporative	4
6. Transparenca.....	6
7. Kujdesi	6
8. Konflikti i Interesit	7
9. Përgjegjësia Sociale	7
10. Trajnime.....	10
11. Fondet e Investimit.....	10

1. Rreth ABI Invest Sha

ABI INVEST sh.a. është një institucion financiar i regjistruar si Shoqëri Administruese e Sipërmarrjeve të Investimeve Kolektive bazuar në ligjin 56/2020, datë 30.04.2020.

Aktiviteti i Shoqërisë i nënshtrohet Ligjit nr. 56/2020, datë 30.04.2020 “Per Sipërmarrjet e Investimeve Kolektive” hyrë në fuqi më 20 qershor 2020 (duke shfuqizuar Ligjin nr. 10 198 datë 10.12.2009 dhe çdo akt tjetër që bie ndesh me të), Ligjit nr. 9901, datë 14.04.2008 “Për tregtarët dhe shoqëritë tregtare”, si dhe është në përputhje me të gjitha aktet nën-ligjore të aprovuara nga Autoriteti i Mbikëqyrjes Financiare dhe me legjislacionin e aplikueshëm në fuqi.

Shoqëria është regjistruar si Shoqëri aksionare në Qendrën Kombëtare të Biznesit me numër regjistrimi (NUIS) L92424002L më 24 dhjetor 2019 dhe është licencuar nga Autoriteti i Mbikëqyrjes Financiare me datë 27.02.2020. Fondi i parë i licensuar i Shoqërisë është “ABI EIA” si sipërmarrje e investimeve kolektive me vendimin nr. 203 të Autoritetit të Mbikëqyrjes Financiare më datë 29 dhjetor 2020. . Fondet ABI FLEX EURO dhe ABI FLEX USD janë liçencuar nga Autoriteti me vendimet nr 110 dhe 112 datë 30.06.2021.

Selia Qendrore e Shoqërisë “ABI INVEST sh.a.” është: Rruga e Kavajës, ndërtesa nr.27, Hyrja 1. Kati II, Njësia Bashkiake 10, Kodi Postar 1001.

Shoqëria zotërohet 100% nga “Banka Amerikane e Investimeve sh.aqë nga data e themelimit të saj. Shoqëria “ABI Invest sh.a.” funksionon si Shoqëri aksionare me sistem administrimi me një nivel.

Numri i punonjësve të Shoqërisë më 31 dhjetor 2023 është 4 (katër)

2. Vizioni

Të jemi një partner i besuar dhe i përzgjedhur për klientët tanë duke i mbështetur ata drejt përbushjes së objektivave të tyre financiare duke ofruar oportunitet për të shtuar vlerë dhe për të diversifikuar investimet e tyre. Të jemi një punëdhënës i standardeve më të larta dhe të kontribuojmë pozitivisht për zhvillimin e tregjeve të kapitalit dhe të sipërmarrjeve të investimeve kolektive në vendin tone.

3. Misioni

Misioni ynë është të rrisim vlerën e investimeve të klientëve tanë duke duke realizuar kthime të kënaqshme nga investimi. Ne e realizojme misionin tonë me anë të zbatimit të strategjive tona të investimit duke u mbështetur gjithmonë në vlerat dhe parimet tona që janë integritet, përkushtim, pozitivitet, profesionalizëm, dhe sofistikim.

Manaxhimi profesional i asetëve dhe kultura jonë e punës mundëson realizimin e misionit tonë çdo ditë.

4. Objektivat

T'u ofrojmë investitorëve një mënyrë investimi të qartë dhe transparente;

T'u japim investitorëve mundësinë për të vepruar së bashku, duke rritur avantazhet dhe mundësitë;

T'u ofrojmë investitorëve mundësi për diversifikimin e asetëve të tyre si dhe mundësi për përfitim në bazë të riskut;

Të edukojmë klientët tanë mbi mundësitë që ofrojmë dhe të rrisim gamën e produkteve në tregun e sipërmarrjeve të investimeve kolektive;

5. Qeverisja Korporative

ABI Invest sh.a është shoqëri aksionare, me seli në Rruga e Kavajës 27/1, Tiranë, Shqipëri.

Aksionari i vetëm i shoqërisë është Banka Amerika e Investimeve Sha.

Organet drejtuese të shoqërisë janë: Asambleja e aksionarëve, Këshilli i Administrimit dhe Administratori

5.1 Këshilli i Administrimit:

Këshilli i administrimit ka në përbërje pesë anëtarë si më poshtë:

Z. Armand Muharremi: Kryetar i Këshillit të Administrimit

Z. Muharremi, aktualisht në pozicionin e Drejtorit të Divizionit të Financës së Bankës Amerikane të Investimeve ka një eksperiencë të gjerë në sektorin bankar, të taksave dhe të auditit. Z. Muharremi filloi karrierën e tij me KPMG Shqipëri si auditor, dhe shumë shpejt u promovua si Supervisor i Auditit. Ai vazhdoi karrierën e tij në Auditim në bankën "Societe Generale", Shqipëri në vitin 2004 në pozicionin e Drejtuesit të Kontrollit të Brendshëm dhe më vonë e Drejtuesit të Divizionit të Financës. Z. Muharremi vijoi karrierën e tij në Audit dhe Financë me Ernst & Young (2009 – 2011) dhe me "Crédit Agricole", Shqipëri që prej vitit 2011 si Drejtor i Divizionit të Financës. Eksperienca e tij e gjatë në sistemin bankar në Shqipëri është një avantazh i madh për Grupin Financiar ABI. Z. Muharremi është diplomuar nga Universiteti i Tiranës, Fakulteti i Ekonomisë në degën "Menaxhim Biznesi" në vitin 1998.

Znj. Teuta Çinari: Zv-Kryetare e Këshillit të Administrimit

Znj. Çinari, aktualisht mban pozicionin e Drejtores së Departamentit të Thesarit pranë Bankës Amerikane të Investimeve. Ka një eksperiencë 20 vjeçare në sektorin Bankar, specifikisht në profilin e administrimit të produkteve të Thesarit e gjithashtu në hartimet dhe aplikimet e politikave

të ndryshme të lidhura me profilin, si ajo e investimeve, likuiditetit, normave të interesit, vlerësimin të titujve etj. Znj. Çinari është drejtuese/koordinuese në marrëdhëniet mes Bankës dhe Bankës së Shqipërisë në proceset e licencimeve apo zgjerimit të licencave të veprimtarive të fushës së Thesarit e më gjerë. Znj. Çinari është diplomuar në vitin 2001 nga Universiteti i Tiranës, Fakulteti i Ekonomisë në degën “Ekonomiks - Statistikë e aplikuar”.

Zj. Brikena Hoxha: Anëtare e Këshillit të Administrimit

Znj. Hoxha ka eksperiencë të gjërë në të drejtën publike dhe private në ShBA ku ka punuar si avokate në studio ligjore prestigjioze për çështje gjyqësore në lidhje me instrumenta financiare, krimin ekonomik, kontrata dhe shoqëritë (2005 – 2009). Në Shqipëri e Kosovë ka punuar me organizata ndërkombëtare duke dhënë konsulencë në hartimin e legjislacionit ekonomik, të drejtën administrative, në çështje gjyqësore etj. Znj. Hoxha është e licensuar dhe pranuar avokate në Dhomën e Avokatisë së Shtetit të Neë York-ut, SHBA. Që prej Tetorit 2015, ajo punon si Drejtore e Departamentit Ligjor, në Divizionin Ligjor dhe të Përputhshmërisë të Bankës Amerikane të Investimeve SHA. Znj. Hoxha është diplomuar në Universitetin e Tiranës, Fakulteti i Drejtësisë në 2001 dhe zotëron një Master në Drejtësi (LL.M.) nga Universiteti i “Columbia”, Fakulteti i Drejtësisë, Neë York, SHBA (2003).

Z. Redi Hakani: Anëtar i Këshillit të Administrimit

Z. Hakani ka një eksperiencë 15 vjeçare në sektorin Bankar, fillimisht në Kontabilitet dhe më pas në profilin e Thesarit. Më së fundmi, Supervisor i Sektorit të Menaxhimit të Aktiv- Pasiveve në Bankën Amerikane të Investimeve Sha. Ndër detyrat e përgjegjësitë kryesore, vend të rëndësishëm ka zënë veprimtaria me letrat me vlerë, më konkretisht investimet, monitorimi i impakteve në portofol të investimeve, aplikime të provave të rezistencës në terma likuiditeti e të normave të interesit, analiza të ecurive të normave të interesit, analiza produktesh, kërkim/analiza tregu, monitorim treguesish të brendshëm etj. Z. Hakani është diplomuar në vitin 2005 nga Universiteti i Tiranës, në degën “Financë”.

Z. Niko Kotonika: Anëtar i Këshillit të Administrimit

Z. Kotonika ka një eksperiencë të gjatë në fushën e thesarit, investimeve, menaxhimit e likuiditetit si edhe tregtimin e titujve. Përpara se të bashkohej me grupin ABI, z. Kotonika ka ushtruar për një kohë të gjatë funksionet e Drejtorit të Thesarit të Bankës NBG, si edhe Drejtorit të Departamentit të Mbikëqyrjes pranë Autoritetit të Mbikëqyrjes Financiare (AMF). Gjatë kohës kur punonte për AMF, z.Kotonika ka drejtuar grupet e punës të ngarkuar për propozimin e kuadrit të ri ligjor në lidhje me fondet e investimeve dhe tregjet e kapitalit. Gjatë kësaj kohe Z.Kotonika ka marrë pjesë gjithashtu në trajnime të ndryshme në lidhje me tregjet e kapitalit dhe fondet e investimeve ku mund të përmendet trajnim pranë Komisionit të Titujve edhe Bursave (SEC) në SHBA etj. Z. Kotonika është diplomuar në Universitetin e Tiranës, Fakulteti i Ekonomisë dhe që prej Shtatorit 2012, mban titullin CFA (Analist i Certifikuar Financiar) lëshuar nga Instituti CFA me bazë në Charlottesville, Virginia, SHBA. Së fundmi z.Kotonika ka mbajtur pozicionin e Këshilltarit të Drejtorit të Përgjithshëm Ekzekutiv pranë ABI BANK.

5.2 Menaxhimi i Shoqërisë

Z. Niko Kotonika – Administrator i Përgjithshëm

Përgjegjës i Zyrës Kryesore (Operative) me përgjegjësi kryesore, por jo limituara vetëm tek të mëposhtmet:

- Menaxhimin e investimeve sipas prospekteve të dizenuara për çdo fond;
- Organizimin e shitjeve të fondeve të investimeve nëpërmjet kanaleve shitëse;
- Përgatitjen e materialeve të marketing-ut për fondet;
- Kryerjen e analizave të ndryshme për optimizimin e kthimeve të investimeve; etj

Z. Brian Balliu – Drejtor i Menaxhimit të Riskut

Përgjegjës i Njesisë së Menaxhimit të Riskut me përgjegjësi kryesore, por jo të limituara vetëm tek të mëposhtmet:

- Krijimin dhe implementimin e një sistemi për administrimin e riskut i cili përfshin monitorimin e politikave të vendosura, në mënyrë që të identifikohen, maten, monitorohen dhe kontrollohen, në mënyrë të vazhdueshme të gjitha risqet kryesore me të cilat haset shoqëria gjatë kryerjes së aktivitetit të saj.
- Zhvillim të strategjisë e politikave të miratuara nga Këshilli i Administrimit lidhur me administrimin e Riskut;
- Të sigurojë ndjekjen dhe respektimin e limiteve të brendshëm dhe rregullative dhe të raportojë çdo kapërcim të këtyre limiteve;

Funksionet e Deleguara

Shoqëria administruese ABI Invest ka vendosur të delegojë një pjesë të funksioneve të përcaktuara në ligjin 56/2020 “Për sipërmarrjet e investimeve kolektive”, ABI Bank Sh.a. Shoqëria deklaron se delegimi është kryer duke patur parasysh interesin më të mirë të investitorëve, si edhe pavarësisht faktit se këto funksione janë deleguar, Shoqëria Administruese do të mbetet përgjegjëse për çdo veprim apo mosveprim në lidhje me funksionet e deleguara

Struktura Organizative

Me vendimin e Këshillit të Administrimit në datë 27 Dhjetor 2023 ABI Invest ka ndryshuar strukturën organizative duke shtuar funksionin e Drejtorisë së Zhvillimit të Biznesit.

6. Transparenca

ABI Invest e trajton Transparencën ndaj Investitorit, si një pjesë të rëndësishme të aktivitetit të saj. Shoqëria publikon raportet periodike të saj dhe të fondeve nën administrim, çdo përditësim në dokumentacion, informacion për ecurinë ditore të NAV, çmimit dhe numrit të kuotave. Çdo investitor mund të kontrollojë nëpërmjet aksesit nga eëbsite www.abinvest.al llogarinë e tij ku mund të marrë informacion mbi ecurinë e investimit dhe të portofolit në tërësi.

7. Kujdesi

Administrimi i portofolit të fondit kryhet nëpërmjet një gjykimi të matur e të kujdesshëm, i parë në të njëjtin këndvështrim të atij të administrimit të financave dhe investimeve personale të vetë personelit kyç i cili ka në ngarkim këtë funksion. Pëpjekje maksimale e transparente kryhen për të maksimizuar ruajtjen e kapitalit të investitorëve me aplikimin e masave prudenciale të riskut pa prapaskena arbitrazhi e spekulimi, por me synim përfitimi të pastër nga investimi.

8. Konflikti i Interesit

Shoqëria administruese, vepron në mënyrë të rregullt, korrekte dhe në përputhshmëri me parashikimet ligjore gjatë kryerjes së veprimtarive të saj. Përdor aftësitë dhe dijet e nevojshme, vepron me korrektësi dhe me kujdesin e duhur. Ajo përdor me efektivitet burimet dhe procedurat e nevojshme në mënyrë që të ushtrojë veprimtaritë e saj në mënyrë të shëndoshë. Gjithashtu, shmang konfliktet e interesit në mënyrë që të garantojë që interesat e investitorëve në çdo lloj sipërmarrjeje të investimeve kolektive të administruar nga shoqëria e administrimit të fondeve të kenë përparësi dhe të qëndrojnë mbi interesat e aksionarëve të shoqërisë administruese të fondeve, interesat e tyre dhe interesat e punonjësve të saj ose të çdo personi të lidhur me të.

9. Përgjegjësia Sociale

Të qenit pjesë e grupit ABI i cili ka në fokus të tij mbështetjen e aktiviteteve me karakter social ka bërë që ABI Invest të jetë pjesë e këtyre nismave që në nisje të aktivitetit të saj.

Më poshtë po shfaqim shkurtimisht, një përmbledhje të aktiviteteve të mbështetura nga ABI Bank, shoqëria mëmë e ABI Invest.

Të ndarë sipas objektivave më poshtë ABI Bank ka mbështetur projektet:

Mbjellja e pemeve – Qershor 2023

Banka Amerikane e Investimeve, dhuroi 40 peme te llojit “Kumbull e Kuqe” per qytetin e Tiranës, te cilat u mbollen gjate muajit qershor pergjate rruges se Kavajes. ABI Bank kontribuon ne shtimin e hapësirave te gjelberta dhe kujdeset ne ruajtjen e mjedisit.

ABI Bank dhuron 2 automjete elektrike per Policine Bashkiake te Sarandes

Nje mbeshtetje kjo per te fuqizuar rritjen e sigurise ne qytetin turistik te Sarandes, si edhe per te hedhur nje hap me tej ne permbushjen e synimeve ekologjike te ketij qyteti.

Instalacioni "Këpucët e kuqe" - Mars 2023

Banka Amerikane e Investimeve, në kuadër të FemFEST, mbështeti HARABEL Contemporary në projektin instalacioni "Këpucët e kuqe"

Instalacioni prej 600 palë këpucësh u vendos në Sheshin "Nënë Tereza", në nderim të grave që nuk jetojnë më si pasojë e dhunës në familje apo dhunës me bazë gjinore.

"Këpucët e kuqe" është një projekt fillimisht i shfaqur në Meksikë, ideuar dhe krijuar nga arkitektja dhe artistja Elina Chauvet.

Projektet Smile.al

Ne muajin prill ABI Bank ka nisur bashkepunimin me te ri me Fondacionin dhe Banken Credins, duke qene partnere se bashku ne platformen e dhurimeve Smile.al. Pergjate ketyre muajve, ABI Bank ka kryer dhurime per 8 projekte te ndryshme, duke patur gjithnje ne focus zhvillimin dhe mbeshtetjen ne plotesimin e nevojave te shoqerise.

Lista e projekteve ku ABI Bank ka kryer dhurime ne Smile.al:

- Trauma ne femijeri – Alo!Mik

Projekti ka per qellim realizimin: (1) Aktivitete psikosociale me femijet per te eksploruar strategji per te veterregulluar emocionalisht; (2) Seancat e terapise me lojera per te ndihmuar ne vleresimin dhe perpunimin e traumes ne jeten e femijeve; (3) Trajnimi dhe pajisja e 50 personave qe punojne me femijet ne qendrat ditore apo rezidenciale.

Mbeshtetja nevojitet per blerjen e 60 kuti mjetesh qetesuese per te ndihmuar femijet te menaxhojne me mire emocionet dhe sjelljet e tyre, 2 sete te levizshme per terapine e lojes per te ofruar seanca terapie, 4 sete per kendi i qetesise ne qendrat ditore/rezidenciale dhe materiale trajnuese per 50 persona qe punojne ne qendrat per femijet ne nevoje.

- Ndhime financiare per termetin ne Turqi – Caritasi Shqiptar

Projekti ka per qellim mbeshtetjen e familjeve dhe femijeve te prekur nga termeti i Turqise ne 06 Shkurt 2023, te cilet kane nevoja emergjente per strehim, ushqime, veshje, ndihme mjekesore etj.

- Rrugetim i ndryshem, i njeiti destinacion – Shoqata Orart

U mbeshtet realizimi i nje shfaqjeje me femijet e Shkolles Zyber Hallulli.

- Mike ne lagjen time - Qendra Mbeshtetje Informacion Kujdes Edukim (M.I.K.E)

Nepermjet mbeshtetjes se ketij projekti u mundesua blerja e Ipad dhe bicikleta.

M.I.K.E. ka krijuar nje smart softëare te dizenuar per te mbeshtetur praktikat ditore (vleresim dhe planifikim kujdesi, mbajtje dokumentacioni, menaxhim dokumentacioni) I cili ndihmon ne uljen e burokracise, maksimizim te kontakteve me klientet.

- Projekti: Ekipi i te Amputuarve Shqiptare 2019 OJF: Ekipi i te Amputuarve Shqiptare 2019

U mundesua blerja e patericave dhe veshjeve per ekipin e te amputuarve shqiptare.

- Mbeshtetje emergjente per te mbijetuarat e dhunes dhe femijet e tyre ne momentin e denoncimit te dhunes. OJF: Eoman Forum Elbasan

Projekti synonte mbeshtetjen e 5 grave te dhunuara.

[Kualifikimi teorik dhe praktik i mesuesve te lendes se edukimit fizik te shkollave te vendit](#) OJF: Kryqi i Kuq Shqiptar

Ne bashkepunim me Kryqin e Kuq Shqiptar me eksperte te Federates Shqiptare te Sportit Shkollor, u be e mundur ngritja e projektit "Kualifikimi teorik dhe praktik i mesuesve te lendes se edukimit fizik te shkollave te vendit". Projektit synon te kontribuojne ne uljen e sedentaritetit dhe permiresimin e aktivizimit fiziko-levizor te te rinjve, duke ndihmuar ne zhvillimin e nje fiziku te shendetshem.

[Projekti OriginAL nje udhetim per te zbuluar rrenjet](#) OJF : GERMIN

Projekti synon realizimin e kthimit te te rinjve, te cilet, ne shume raste, nuk kane qene kurre ne vendlindje. Lidhjet e tyre me Shqiperine, historine dhe zakonet e vendit tone, jane te dobeta dhe te kufizuara. Qellimi i projektit eshte te ndryshoje menyren se si te rinjte shqiptare te diaspores i perceptojne vendet e tyre te lindjes, duke promovuar njerezit dhe mrekuillite e tyre ne menyren me realiste.

[Mbeshtetje per zhvillimin e sherbimeve terapeutike per 25 femije me aftesi ndryshe](#)

ABI Bank mori pjese ne eventin e pergjegjesise sociale "Rrathe Dhurues", duke mbeshtetur nismen e Fondacionit Global Care Albania per zhvillimin e sherbimit te specializuar per 25 femije me aftesi ndryshe, ne zonen e Bathores.

[KLUBI 'GO-3G' – Zgjojmë magjinë e emocioneve të 106+ fëmijëve në nevojë](#)

OJF: Dorcas Aid International Albania

Projekt i cili konsiston ne ndihme te komunitetit shkollor të mësuesve dhe drejtuesve brenda Shkollës “Naim Frashëri” (një shkollë 9- vjeçare Qendër Komunitare në qytetin e Korçës) duke ofruar një mjedis të qëndrueshëm krijues, rigjenerues dhe zhvillimor për 106+ fëmijë dhe duke lehtësuar veprimtaritë ekstra-kurrikulare sociale/komunitare të shkollës, ndërmjet tre brezave: fëmijët e shkollës/vëllezërit e motrat e tyre, prindërit, gjyshërit dhe kujdestarët e tjerë të fëmijëve në nevojë.

[ABI bank mbështet Shoqatën e Basketbollit Dinamo për realizimin e “Summer League”](#)

Ky aktivitet u realizua me femijët e grupit U – 14 përgjatë muajve Qershor – Korrik, me qëllim nxitjen e të rinjve për t’u angazhuar sa më shumë në veprimtari sportive.

[Projekti kinematografik për dixhitalizimin dhe restaurimin e filmit “Mësonjëtorja”](#)

[OJF: Qendra për kulture dhe art bashkëkohor “Harabel”](#)

[Arkivi Shtetëror Qëndror i Filmit](#)

Banka Amerikane e Investimeve mbështeti Arkivin Shtetëror Qëndror të Filmit dhe Qendrën për kulturë dhe art bashkëkohor “Harabel” ne realizimin e dixhitalizimit dhe restaurimit të filmit “Mësonjëtorja”. Një projekt ky me rëndësi të madhe për ruajtjen e trashëgimisë filmike shqiptare.

[“Finalmente Elsa” – koncert nga Elsa Lila](#)

Koncerti i pare recital ne Tirane i artistes se mirenjohur shqiptare brenda dhe jashte vendit. ABI Bank mbeshtet kete event ne cilesine e Gold Sponsor

[ABI Bank mundesoi Koncertin nga Tedi Papavrami dhe Maki Okada, ku me te ardhurat e mbledhura prej tij u financua bursa e studimit te nxeneses se Liceut Artistik “Jordan Misja”](#)

Nen moton ABI Loves ART, Banka Amerikane e Investimeve mundesoi koncertin ne violine dhe piano nga artistet e mirenjohur. Me te ardhurat e mbledhura prej ketij projekti do te financohet bursa e studimit 2024 jashte vendit per nje prej nxenesve me te mire te violines prane Liceut Artsitik “Jordan Misja”. Ajo do te jete Marla Hoxha dhe perzgjedhja u be drejtperdrejt nga violinisti Tedi Papavrami ne nje konkurs te realizuar ne ambjentet e Liceut Artistik.

[“E ardhmja per femijet” – ABI Bank mbeshtet projektin ne ndihme te femijeve ne familjet e margjinalizuara ne Korce](#)

Ankandi “Rrathe Dhurues” i organizuar nga Partners Albania, u zhvillua per here te peste ne ndihme te kauzave te ndryshme sociale, ku ABI Bank ne menyre te vazhdueshme kontribon per komunitetin venda ne nevoje.

[Java e Parasë - Mars 2023](#)

Banka Amerikane e Investimeve, gjithmonë në mbështetje të projekteve që kanë në vëmendje edukimin financiar të brezave të ardhshëm, në kuadër të Javës së Parasë, sponsorizoi konkursin nën sloganin “Administro paratë e tua, kultivo të ardhmen tënde!”. Klasat e IV-ta të vendit mund të merrnin pjesë në këtë konkurs (si klasë) përmes krijimit të projekteve me temën e JGP-së. Nxënësit duhet të angazhoheshin në trajtimin e temës në një projekt fizik (në formën e një këndi në ambjentet e klasës apo shkollës etj.) ose interpretativ (në formën e një shfaqjeje, prezantimi etj.).

Prezantimi i projektit u bë përmes një videoje të shkurtër.

Pjesëmarrës në këtë konkurs me projektet e tyre, ishin nxënësit e 46 klasave të IV-ta, nga 38 shkolla të vendit, të cilët u angazhuan në trajtimin e kësaj teme.

U ndanë 3 çmime për secilën nga 3 klasat me projektet më të mira, për t'u përdorur për nevojat e klasës fituese.

Panairi i Turizmit ne Berlin ITB - Mars 2023

ABI Bank mbështeti Unionin Turistik Shqiptar, në organizimin e standës së operatorëve turistikë shqiptarë, për një përfaqësim dinjitoz në Panairin e Turizmit në Berlin ITB 2023.

Ky është ndër panairët kryesorë të turizmit dhe një ndër më të mëdhenjtë në botë, me pjesëmarrjen e më shumë se 180 vendeve, 10.000 kompanive ekspozuese, 100.000 përfaqësuesve zyrtarë të kompanive turistike dhe rreth 200.000 vizitorë.

Forumi Ndërkombëtar i Turizmit “ E ardhmja e Turizmit të Qëndrueshëm Mjedisor në Shqipëri” #FESTA

Banka Amerikane e Investimeve mbështeti dhe mori pjese ne Forumin Nderkombetar te Turizmit “E ardhmja e Turizmit te Qendrueshem Mjedisor ne Shqiperi” #FESTA.

Pjese e ketij paneli ishte dhe CEO i ABI Bank Z. Ballta, i cili cilesoi gjate prezantimit te tij se ABI vijon te jete lider dhe nje partner i qendrueshem ne financimin e sektorit te turizmit ne vend.

Automotive Fair Albania II

ABI Bank mbështeti kete aktivitet tregtar e shoqeror ne muajin Tetor, ku pergjate 4 diteve ne Pallatin e Kongreseve, sheshin “nene Tereza” dhe sheshin “Italia” u zhvilluan nje sere aktivitetesh argetuese per femije e te rritur.

10. Trajnime

Gjatë vitit 2023 ABI Invest Sh.A ka organizuar trajnime me personelin shitës të Bankës Amerikane të Investimeve. Këto trajnime kanë patur karakter edukues dhe informues. Gjithashtu takime informuese dhe sqaruese organizohen në çdo rast dhe me investiturë egzistues apo potenciale.

11. Fondet e Investimit

ABI Invest administron tre fonde investimi ABI EIA, ABI FLEX EURO dhe ABI FLEX USD

8.1 Fondi i Investimit ABI EIA

Fondi i Investimit “ABI EIA” (në vijim: Fondi) është një Sipërmarrje Investimesh Kolektive me pjesëmarrje të hapur me ofertë publike, e veçantë, i licencuar më datë 29.12.2020 nga Bordi i Autoritetit të Mbikëqyrjes Financiare, me anë të vendimit të Bordit nr. 203. Fondi është krijuar për një afat të pacaktuar dhe ka filluar veprimtarinë e tij më 01.03.2021.

Depozitari i fondit është Banka Credins Sh.A

Kthimi historik i Fondit që nga themelimi deri në 31.12.2023 është 5.89% dhe gjatë vitit të fundit të plotë kalendarik (4.55) %.

Aktivitetet e fondit investohen në përputhje me dispozitat dhe parashikimet e ligjit nr. 56/2020, date 30.04.2020 “Për Sipërmarrjet e Investimeve Kolektive”. Investitorët ose mbajtësit e kuotave kanë të drejtë të marrin pjesë në mënyrë proporcionale në fitimet e fondit, si dhe të kërkojnë, në çdo kohë, shlyerjen e plotë ose të pjesëshme të kuotave që zotërojnë.

Fondi i investimeve ABI EIA ka pasur një rënie me 2.74% të aktiveve neto gjatë vitit të fundit, ndërkohë që nga themelimi ka patur rritje të aktiveve neto me 21.44%.

Asetet e fondit investohen kryesisht në tituj borxhi të emetuar ose garantuar nga Qeveria e Republikës së Shqipërisë. Fondi synon të sigurojë përfitueshmërinë nga investimi duke marrë parasysh tregun, shpërndarjen e portofolit, risqet me të cilat përballet gjithashtu dhe kohëzgjatjen mesatare të portofolit të investimit.

Në mënyrë që të maksimizohet përfitueshmëria, do të synohet, duke marrë parasysh limitimet rregullative, risqet si dhe likuiditetet, në investime afatmesme – afatgjata kryesisht në letra borxhi të Qeverisë së Republikës së Shqipërisë.

Maturiteti mesatar i ponderuar i portofolit të investimeve duhet të jetë më i vogël ose i barabartë me 7 vjet. Për dhjetor 2023, ky maturitet raportohet me i vogël se 1-vit.

Pasqyra e Pozicionit Financiar për fondin ABI EIA jepet si më poshtë:

	31 dhjetor 2023	31 dhjetor 2022
AKTIVE		
Mjete monetare dhe ekuivalentë me to	200,169,509	141,048,961
Investime në letra me vlerë të drejtë përmes fitimit ose humbjes	127,390,861	197,129,016
Llogari të arkëtueshme	2,292,911	975,860
TOTALI I AKTIVIT	329,853,282	339,153,837
DETYRIME		
Detyrime ndaj shoqërisë administruese	279,422	288,562
Detyrime të tjera	236,526	249,218
TOTALI I DETYRIMEVE	515,948	537,780
VLERA NETO E AKTIVEVE	329,337,333	338,616,057
Gjendja e numrit të kuotave të fondit	311,005	334,308

AKTIVET NETO PËR KUOTË TË FONDIT TË INVESTIMIT
1,058.95
1,012.8876

Treguesi sintetik i riskut dhe përfitimit për këtë fond është 2

8.2 Fondi i investimit ABI FLEX EUR

Fondi i Investimit “ABI FLEX EUR” (në vijim: Fondi) është një Sipërmarrje Investimesh Kolektive me pjesëmarrje të hapur me ofertë publike, e veçantë, i cili u licencua më datë 30.06.2021 nga Bordi i Autoritetit të Mbikëqyrjes Financiare, me anë të vendimit të Bordit nr. 112 nën administrimin e shoqërisë ABI Invest sh.a, ndërkohë ai ka filluar mbledhjen e ofertave fillestare gjatë muajit tetor 2021 dhe veprimtarinë me çmim të ndryshueshëm më 18 nëntor 2021.

Depozitari i fondit është Banka e Parë e Investimeve Shqipëri Sha

Ndikimi i përgjithshëm i situatës së tregjeve ndërkombëtare për vitin 2023 ka qenë pozitiv për Fondin, duke sjellë një rritje të normës së kthimit nga kuota në nivelin 9.93% % për vitin e plotë kalendarik të mbyllur 2023 (kthimi historik mbetet negativ nga themelimi prej minus 0.53 %).

Strategjia e investimeve të aktiveve të Fondit ABI FLEX EUR mbështetet në ligjin nr. 56/2020 “Për sipërmarrjet e investimeve kolektive” i cili ka hyrë në fuqi në 20 qershor 2020, rregulloret e dala në zbatim të tij, si dhe në politikën e brendshme të investimit të Shoqërisë administruese miratuar nga Këshilli i Administrimit i Shoqërisë Administruese. Menaxheri i portofolit ndjek një politikë konservatore duke u fokusuar në menaxhimin e rrezikut të normave të interesit, rrezikut të kredisë dhe rrezikut të likuiditetit. Limitet e aplikuar për çdo rrezik janë të shfaqura në Politikën e Menaxhimit të Rrezikut (PMR). PMR gjithashtu përmban limite për çdo faktor rreziku të cilët kushtëzojnë humbjet e padëshiruara.

Fondi synon optimizimin e normës së kthimit duke minimizuar rrezikun, të kushtëzuar nga qëllimi parësor i ruajtjes së vlerës së kapitalit dhe likuiditetit. Alokimi i aseteve do të jetë kryesisht në obligacione dhe aksione të cilat përmbajnë rrezik minimal të kredisë por janë të ekspozuara ndaj rrezikut nga normat e interesit.

Pasqyra e Pozicionit Financiar për fondin e investimeve ABI FLEX EURO jepet si më poshtë:

	31 dhjetor 2023	31 dhjetor 2022
AKTIVE		
Mjete monetare dhe ekuivalentë me to	74,420,160	96,938,005
Investime në letra me vlerë të mbajtura me vlerën e drejtë përmes fitimit ose humbjes	217,280,796	192,723,731
Llogari të arkëtueshme	2,735,644	556,603
TOTALI I AKTIVIT	294,436,600	290,218,339

DETYRIME

Detyrime ndaj shoqërisë administruese	494,899	497,132
Detyrime të tjera	228,801	175,132
TOTALI I DETYRIMEVE	723,700	497,132
VLERA NETO E AKTIVEVE	293,712,900	289,546,075
Gjendja e numrit të kuotave të fondit	28,426	28,014
AKTIVET NETO PËR KUOTË TË FONDIT TË INVESTIMIT	10,332.7153	10,335.8638

Treguesi sintetik i riskut dhe përfitimit për këtë fond është 5

8.3 Fondi i investimit ABI FLEX USD

Fondi i Investimit “ABI FLEX USD” është një Sipërmarrje Investimesh Kolektive me pjesëmarrje të hapur me ofertë publike, e veçantë, e themeluar nga ABI INVEST sh.a. Fondi u licencua më datë 30.03.2021 nga Bordi i Autoritetit të Mbikëqyrjes Financiare, me anë të vendimit të Bordit nr. 112 nën administrimin e shoqërisë ABI Invest sh.a, ndërkohë ai ka filluar mbledhjen e ofertave fillestare gjatë muajit tetor 2021 dhe veprimtarinë me çmim të ndryshueshëm më 18 nëntor 2021.

Depozitari i fondit është Banka e Parë e Investimeve Sh.A

Ndikimi i përgjithshëm i situatës së tregjeve ndërkombëtare për vitin 2023 ka pozitiv për Fondin, duke sjellë një rritje të normës së kthimit nga kuota në nivelin (8.96)% për vitin e plotë kalendarik të mbyllur 2023 (kthimi historik është kthyer pozitiv nga themelimi prej 1.60%).

Strategjia e investimeve të aktiveve të Fondit ABI FLEX USD mbështetet në ligjin nr. 56/2020 “Për sipërmarrjet e investimeve kolektive” i cili ka hyrë në fuqi në 20 qershor 2020, rregulloret e dala në zbatim të tij, si dhe në politikën e brendshme të investimit të Shoqërisë administruese, miratuar nga Këshilli i Administrimit të Shoqërisë Administruese. Menaxheri i portofolit ndjek një politikë konservatore duke u fokusuar në menaxhimin e rrezikut të normave të interesit, rrezikut të kredisë dhe rrezikut të likuiditetit. Limitet e aplikuar për çdo rrezik janë të shfaqura në Politikën e Menaxhimit të Rrezikut (PMR). PMR gjithashtu përmban limite për çdo faktor rreziku të cilët kushtëzojnë humbjet e padëshiruara.

Fondi synon optimizimin e normës së kthimit duke minimizuar rrezikun, të kushtëzuar nga qëllimi parësor i ruajtjes së vlerës së kapitalit dhe likuiditetit. Alokimi i aseteve do të jetë kryesisht në obligacione dhe aksione të cilat përmbajnë rrezik minimal të kredisë por janë të ekspozuara ndaj rrezikut nga normat e interesit.

Pasqyra e Pozicionit Financiar për fondin ABI FLEX USD jepet si më poshtë:

31 dhjetor 2023 31 dhjetor 2022

AKTIVE

Mjete monetare dhe ekuivalentë	11,882,566	22,779,205
Investime në letra me vlerë të drejtë përmes të ardhurave të tjera gjithëpërfshirëse	42,857,607	27,227,478
Llogari të arkëtueshme	332,196	167,712
TOTALI I AKTIVIT	55,072,369	50,174,395

DETYRIME

Detyrime ndaj shoqërisë administruese	(92,321)	(85,512)
Detyrime të tjera	(178,479)	(123,680)
TOTALI I DETYRIMEVE	(270,801)	(209,192)

VLERA NETO E AKTIVEVE

Gjendja e numrit të kuotave të fondit	5,742	5,006
AKTIVET NETO PËR KUOTË TË FONDIT TË INVESTIMIT	9,544.13	9,981.78

Treguesi sintetik i riskut dhe përfitimit për këtë fond është 5